

越縵堂日記

第三十一冊

桃花聖解會日記癸集第二集



光緒四年戊寅十一月丙午朔晨雪上午止終日霽雪

四庫提要吏部目

錄類郡穆金薤琳琅下及顧炎武金石文字記下俱引潛研堂金石文跋
尾攷四庫目錄以乾隆四十七年壬寅書成其書例不引此時人之說行
卒於嘉慶八年癸亥時尚健在而兩引其說惟不出姓名耳蓋當時已甚重
其書矣 得羊敦叔書 仲彝饋鸚哥張督盧陂五斤此郡中最有名

若其肆在西直門大街主肆者以嘉畜鸚武得名每年惟以是日買此物一日而
畢然味雖少濃不能佳也 提盒來 夜仲彝遊同提盒君表飲聚寶

堂招霞芬二教時歸

附寶屋銀四兩五錢是月庸直六千順兒是月庸直六千霞車銀四千

初二日丁未晴

竹簾來

作書致汝翼為殷氏送硯紙致王可莊修撰

為劉鐫山師蔗園自訂詩文集系跋尾一首凡文二卷詩二卷續集一卷
師臨沒時以屬其婿陳主事授余作序且為刪定者也度架上已三年未及
一展卷今取閱之詩文皆率意而出然真氣流露自為長者之言其詩如
浙江閨中食蓴羹鱸魚一絕云鱸膾蓴羹未足誇吳中原不是吾家
秋來我亦鄉心動海鮮鮮煙蕨菜芽亦極有風致

師鈔

紹通州王恕園寄粥廠賞給秬米八百石從倉場侍郎等請也

甘肅西甯府知府鄧承偉升甘涼兵備道

初三日戊申晨霽上午霽下午晴霽相間晡後霽霽晚又微霽 比
日多閱金石年編此書述菴極一生之力又同時若錢謙之嚴久能輩小松

張芝堂等皆精碑小學碑版額門助其搜討而錢氏竹汀王氏西莊武氏授
堂等收藏金石之書先後已出盡得取以參校故搜羅宏富抉擷精深
實為此事之大觀其雄渾所及如漢建初處儼銅尺下詳攷古尺之異同
禮器碑下詳攷漢時內緯之學楊統碑下詳攷奚斯作之廟之義楊著碑下
詳攷至孝丞丞之句魏受禪碑下詳攷列名諸臣後魏司馬元興墓志銘下
荀論志銘之制唐聖教序下攷觀音勢心經原始岳觀碑下詳叙唐
代齋醮授告之儀開成石經下詳攷十二經文字異同郎官石柱題名下詳攷
諸人爵里宋元祿黨禁碑下詳攷黨人本末高宗七十二賢贊下詳攷諸賢
名字異同皆本原極為咳洽為攷據之開敷其餘因事附見足資學識
者指不勝屈實集金石之大成或所采過多卷帙雖富亦間有不能照及之

處又述養晚年目盲其門下士如陶亮薌等不免舛、成編失於檢勘疏漏
踏駁時亦間出如北朝有顧氏酋長顧兵酋長屢見魏齊周隋之書而不
能記徐長卿為藥名見本草及廣雅而不能識同歸為代北姓世有顧人鉗
耳康買見北史

傳鉗耳大福見新唐書李充用傳而以為無攷灰

美字說文作美燼乃俗字而以唐孔穎達碑作美為省文闕闕古祇作伐
闕闕亦俗字而以穎達碑作伐為通用此類失之眉睫若亦不可枚舉要之
其書體大思精所包甚廣豪毛之疵不索全體較之近時劉燕庭許印
林輩描摹點畫自誇精細不過為骨董清品賞鑑專家若美雷霄壤
世人讀書惡跡重好新異不論實事妄肆游談頗有輕議是書者故甫
論之

初四日己酉晴有風

外祖母倪公忌日供饋因有六器菜肴四器

因餽饌脂饅頭兩大盤時果四盤蓮羹湯一巡酒三巡飯四巡大酬一

外祖母十一月三日生是日卒

外祖母以是月八日卒余年來在都多以

八日饋食以外祖母卒於咸豐辛亥年是日親詣觀其痛外祖母則

卒於嘉慶甲子年之今日而先妣以己丑正月十一日始生已不及見也自惟

頑劣遙遠為難如在之誠必有所託裳衣放恣几筵懷然肅敬所生由

於感慕此後世像設之禮遠勝於古之立尸也今日以家人告饒將盡

至初一日恐不能具簞余亦以去年以八日祭時得仲弟之計故改用今日

作書致跋夫饋饅頭一盤得復

初五日庚戌晴蘇

丹徒戴少梅以浙江知府來辭行乞題蜀岡登高

圖 君表來 得跋丈書贈洋糖一瓶即復謝 鬢頭 夜為

家人所觸怒肝火大發終夕不眠 為殷夢庭作書致君表轉乞吳

清卿篆蓋 兩日連得葆亭書以與鍾六英訟事紛糾益甚苦相聒

擾駟獎交爭語詔不解深可厭也葆亭寄閱六英所與書虛憊恐赫

尤為可笑因作荅致葆亭還其書

初六日辛亥晨晴上午晴霽相間下午霽 君表來邀至廣和樓

觀霞芬演長生殿劇晚復邀同仲彝楊正甫飲聚寶堂一更後仲

彝邀飲春韻而夜後歸 讀唐高宗所譏大厯紀功頌萬年宮銘鴻

偉奇麗四六之傑製似過太宗遠甚蓋初唐氣運極盛時也

後來張蘇皆從此出

邱鈔

以翰林院侍講學士慶麟轉補侍讀學士以左春坊左庶子寶廷為侍講學士

上諭調任杭州副都統富爾森明白回奏傳八月五日到杭州副都統任先於七月二十五日咨詢果勒敏卞浦副都統印信應否擇員護理至八月三日始接回咨仍未將咨詢情節分摺見覆迨初七日續接該將軍咨會暫行代理之文已在列銜奏到新任仍署舊任之後因未離舊任將到任奏咨事件仍酌用卞浦副都統印信等語富爾森到杭州副都統調任後其卞浦副都統印務應暫行代理乃率用署理字樣殊屬非是果勒敏咨覆遲延亦屬不合均著交部議處

初七日子晴風返寒始暫試鑪

得君表書送清卿篆額來叩

復謝以篆額交夢庭

為戴和甫作蜀國戴酒圖序本擬題詩四

十字了之以戴君言其日為尊人廣州太守及其叔父浙江縣令二老人

壽序從畢集為人生極樂非登臨寄興之比其言可感因信筆成儷

體小序一首且勉以為清白吏附古人贈言之義戴君由戶部實缺郎

中截取知府分發吾浙其補缺當不遲余為此言亦欲為嚴台溫處四郡

造福雖與會偶至事近應酬亦非苟作者也

戴名愛元己未舉人由中書捐升郎中共到戶部在余後數年以

五保館議叙驟得補缺即係歸府送御史不得入臺遂請外連化如此其翕熱嗜進可見以尚如加敬於余校及其未任進以蔽言此區之志也

文不錄毫即作

書致之

得紱文書偕望谿集即復

讀唐李義府所誤蘭陵長

公主碑李孝倫所誤紀國太妃敬善寺石像銘文皆甚麗足掩六朝

邱鈔

上諭李瀚章等奏併樊口建閘惟於西楊畝附近一隅有益而江湖盛漲之時皆難宣洩有害通省水利所奏亦不為無見惟建蔡石閘究非隄埧可比但當察看外江內湖水勢消長以時啟閉既可宣洩盛漲又可保衛田廬未始不可兩全該督等所稱下閘必在桃汛以前放開應俟霜降以後殊屬拘泥成說至應如何嚴立章程重懲需索著李瀚章等督飭屬員妥議辦理將來建閘以後利病若何仍准隨時體察情形據實具奏

以前太僕寺少卿壽昌為鴻臚寺卿

壽昌崇禎子以漢軍補漢缺

初八日癸丑晴

得戴少梅書

殷夢庭來

作書致程愈作片致

程敬卿俱約今夜飲

仲彝邀至廣和樓觀劇晚偕至聚寶堂遊

程愈居表正甫敬卿小飲吃菊花羹甚美夜一更後正甫復邀飲

禮卷三鼓後歸

師飭以

忠瑞為西安左翼副都統

初九日甲寅晴

晚臥時疾動終日頗賴大作晚又身熱以今冬止若繁

衣是月朔始服羊皮褂猶是縣袍也

得伯寅侍郎書惠銀十兩即復

謝稿使四千

子鎮來飽敦夫來皆新自越入都若敦夫與余同里開

而余家無一字予季不良乃至於此偕兩君暢談盡日而去

初十日己卯晴

是日除仲弟期服始著重裘

喪服小記久而不葬

者惟主喪者不除一節正義引庾云謂

此字

皆主

當作

要記案服問曰云云此

庾謂庾蔚之所引者禮記略解之文

舊唐書經籍志禮記略解子卷庾蔚之撰隋書經籍志禮記略解子卷庾氏撰庾氏即蔚之此乃隋

志駁文商氏君南不加除改作禮記正義孔穎達序考證遂謂諸志止載蔚之禮論鈔不載略解矣

謂皆注要記若蔚之常注質循喪服要

記也隋志喪服要記一卷賈循撰梁有宗員外常侍庾蔚之注唐志喪服要記十卷賈循撰庾蔚之注大宰隋志別有王肅注喪服要記一卷蔣琬撰喪服要記一卷唐志止有王肅而別有喪服要記五卷賈循撰謝微注又引盧植云下子孫皆不除蕭望之云云獨謂子皆未改兩志王肅注注字皆當作撰

服要記五差腎循環謝微注
致兩志王肅注注字皆當作環

善也致漢書蕭望之傳雖有從夏康勝問禮服之文然自來無言望之有
著述者庾氏劉宋時人當必有所本近人吳頊儒喪禮經傳約僅十一

葉間有小注可謂簡之至矣然有不當詳而詳不當略而略者如練與小祥雖同在十二月而為兩祭兩事小祥為殺衣之制練為除服之節小記所謂祭不為除喪也而吳氏乃曰十二月而小祥禭乃練也略不分皆期喪之有禫惟父在為母反為妻而吳氏乃曰十二月而禫期喪也壹似凡期服皆有禫若此等大節目尚不能全亦太約矣而前述大禮兄弟之子猶子一節經文此人人所讀者又詳所不必詳也 得跋文書還望餘集 作書致君表屬其轉託戴少梅

同在十三月而為兩祭兩事小祥為殺衰之制練為除服之節小記所謂祭不為

除喪也而吳氏乃曰十三月而不祥者乃練也略不分皆期喪之有禫惟父在為

母反為妻。而吳氏乃曰：子五月而禫，期喪也。臺似凡期服，皆有禫。若此等大

節目尚不能全悉約矣而簡述因禮兄弟之子猶子一節經文此人人所讀者又

詳所不詳也
得紱文書還望谿集
作書致君表屬其轉託戴少梅

到揚州代購丁儉卿願志齋叢書

復跋文書

作書致提憲辭明日

之飲 吳松堂兩次來邀飲福興作片辭之 是日病甚不食終日涕流

而讀書作字不輟 付更夫楊二食七千

郎鈔

上諭延煦奏幫辦司員未能得力請旨更換一摺據傳刑部派往熱河候補主事

蕭育東浮躁性成無知妄作辦事未能得力著刑部於正途漢主事另揀熟悉

刑名之員前往接辦蕭育東即徹回原衙門行走並著該堂官隨時察看如仍

前躁妄即行據實參奏

蕭育東河南進士以敗類開在刑部應被許檢今年又有改選軍機處書卷恭崇世首東之

十一日兩辰晨至午霽下午晴

飲款少止尚不能食

閱小謀觴館

集及思遠齋集思適卷十六碑跋一卷極為精編跋嘉祐二體石經一首即

在其中余夏中徧覽諸書竟不記及此也

君表來診脈 夜風起

月甚明二更後風止頗賴大作達旦不暝

邸鈔

上諭廣壽賈壽慈奏遵查北運河上游情形請分別疏築一摺據傳詳察潮白
溫榆兩河汎濫淤塞情形擬請通州東北受橋東西兩岸缺口堅築堵塞以免潮
白西灌溫榆之惠另將沙窩邨鈴鐺口兩處缺口修補於白馬河南岸起至西
浮橋西岸止斜築長隄一道以為北關保障至溫榆改道之處宜裁灣取直挑
挖舊河俾循故道新舊河相接之處築當水堤三道其東岸通大橋處另築
一隄使河流不致東灌並將下游自下關口起至小河口止及白馬河下游淤淺處
所均挑挖疏通使漫流仍由溫榆而下庶有裨益請飭籌款興修等語著

照所請即由直隸總督會同倉場侍郎自行籌款趕緊興修以衛民生
向濟漕運

上諭內閣侍讀學士廣安奏請嚴禁佐貳各員擅受民詞等語佐貳雜職
害汙各員不准擅受民詞例禁甚嚴若如所奏近來佐貳等衙門差役煩
多武營汙地巧立掌標差將名目接受民詞私設刑卡武斷案件貪贓不遂
即賂詳州縣顛倒是非魚目混珠各情殊堪痛恨著各直省督撫隨時訪查嚴
行禁止如有此等情弊即著嚴參懲辦毋稍姑容將此通諭知之
大奏請嚴禁賭博以清盜源等語賭博一事最易藏奸刻下天氣嚴寒盜
竊之案層見疊出著步軍統領衙門順天府五城御史嚴行禁止有犯必懲毋
得視為具文虛應故事

又秦旗兵困苦請將甲米照舊變通以恤兵艱並請將刺麻口糧酌量變通
各摺片著戶部議奏

十二日丁巳晴

是日勾到市中行刑成祿仍不勾

閱小謨觴館集及思

遠齋集略校謬誤

午里先生深於漢魏六朝之學熟於周秦諸子之

言故其為文或綴或整皆不假繩削而自合甘亭畢力於文駢體自為

專家然工麗雖勝而痕迹亦顯此文人學人之別焉顧集有錢竹汀可廬

兩先生對牀風雨圖賦彭集中有錢可廬徵君六十壽序皆藝苑之鴻

製合之以胡行軒先生集中錢竹汀先生入祀鄉賢記而嘉定之學發揮

盡矣又至壽序可謂懿道然如甘亭此序及胡集中王石臞先生八十壽

序龔定盦集中阮尚書年譜第一序

即文達示
十壽序

是三首若包括羣言鑒綜

六藝寔可作儒林傳經籍志讀此等皆奇絕之作非古來所有者也

自昨夜終夕欬欬胸腹震動晨起甚憊竟日支散傍晚飯盡兩器
許稍覺可支然夜欬如故

十三日戊午晴

得子縑書惠銀一流并贈甘泉葉蘭如女士蕙心

雅古注辭一部作書復謝稿使六千又得心雲九月十六日十月七日兩書

并惠蘭韞氣補四肩以近詩一冊寄閱

得敦夫書惠氣補四肩龍

井茶兩箱即復謝稿使四千

閱今雅古注辭凡三卷女士乃江都李

賓岫祖望之婦也其搜采較臧拜經所輯為多間附案語亦甚精密賓

岫即刻小學類編若阮儂學經唱隨雅詁樓霞福山址豔千載雖不敢

望惠班恐非義成宣文所能逮矣書刻於光緒二年後有賓岫跋言女